



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1846**

XXXVIII. Dieterich, Henning, Volzeke, Hans und Martin Rytfelde verkaufen dem Rath zu Seehausen das Wasser zu Ridfelde, am 31. März 1429.

---

---

**Nutzungsbedingungen**

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

Beteke Valkenberghe. Un wy Ghyse un Kersten un unse eruen hebben desulue halue houe landes von den Kalandsheren wedder to pachten namen, un schollen em alle jahr dar var to pachte geuen I marck siluers Sehufcher weringhe jarliker renthe de wol to danke bynnen Sehufen in den veer hillighen daghen to Paschen sunder vortoch und hinder alle jahr to bereitende vor allen andern pechten. Unde wy willen em dersiluen halben huwe Landes eyn recht ghewere wesen ---. Weret ock dat wy Ghise un Kersten brodere gheheyten de van Schoeneberghe de sulue halue huwe landes van den Kalands heren to Sehufen wolden wedderkopen, und sy dorch Godumme beden des scholen sie uns nicht weigheren unde so scholen wy Ghise und Kersten edder unse Eruen dat den Kalandsheren vorkundigen un to seggen uppe Wynachten un den in de Paschen in den veer hillighen daghen dar nhegest wol tho danke em boreyden XV Marck Siluers Sehufenscher weringhe un dy mark jarliker renthe un dar tho alle vorsetene pacht est dar wes vorseten was. Un wen em desse boreydinge van uns un unsen eruen noghaftigen ghedan is, so schollen sy uns de sulue halue huwe landes vor Richter un Buren in enem ghehegeden Dinghe myt enem Ryse sunder alle hulpe rede este nygefunde wedder vorlaten. Alle desse vorcreuen stücke un eyn islick besunderen laue wy Gise un Kersten broder gheheyten de van Schoeneberghe beyde licke Sackweldich Heyne Karstede, Tideke Grath un Peter Duske Borgen un Medelauere laue wy mit enem samenden hand den ergenanten heren to Sehufen stede ghantz vaste unde untobraken wol toholdende sunder argelift edder hulprede.

**XXXIII.** Dieterich, Henning, Volzeke, Hans und Martin Rytfelde verkaufen dem Rath zu Seehausen das Wasser zu Ridsfelde, am 31. März 1429.

Witlik sy al den, dy dessem briff syen este horen lesen, dat wy Dydrik, Henning, Volzeke, Hans vnd Marten, alle geheyten de Rytuelde; hebben verkoft vnd vorkopen recht vnd redelken med wolbedachten mude vnd vulbord vnser rechten eruen to eynen rechten erkkoften kope to ewygen tiden erfliken to besittende den Erfamen vnd vorsichtigen Radmannen to Sehusen, dy nu to desser tuid synt vnde al eren nakomelinghen to der vorbenannten stad behuf, dat Water to Ridsfelde med der Inlaghe bynnen dykes, med dem richte hoghest vnde sydest, med der visscherighe, holte, wische, weyde vnd were vnd med aller heren rechticheyt vnd aller tobehorunghe, so vns dat unfer Veder geeruet hebben: dar vns die vorgenannten Radmanne van erer stad wegen wol danke vorbereydet hebben druttich mark sulvers sehufischer weringhe, dy al vnd gantz synt gekomen in vnser nuid vnd fromen vnd willen en des waters der Inlaghe, des ritches, visscherighe, holte, wische, weyde, vere vnd med aller heren gerechticheyt alze vorcreuen steyt vnde med aller tobehorunghe rechte waren wesen vor al, dy vor rechte komen willen recht to gheuende vnde recht to nemende: vnde hebben dat leen der vorcreben ghuder vpgefant by tideke grade, hans boldewyn vnd Arnd hoddendorpe to den owersten heren, dar dy van to lene ghan. Des to tughe vnd merer bewysinghe hebben wy vorbenannte rytuelde unse ingeseghel witliken laten henghen an duffen briff. Gheuen na godes bord virteinhunderd iar in dem neghen vnd twintighesten iare, des dunnerdaghes in der paschen.